



Diario

E MATUTINO DI ARUBA

Abonado pa luna 19,00* chemplar 80 cent aña 12 No.3662

DIAHUEBS 4 FEBRUARI 1993

OLA NO KIER FORMA PARTI DI GABINETE ODUBER

AGENTENAN POLICIAL DEN ACCION DILANTI WARDA DI POLIS



Ayeranochi gran parti di Cuerpo Policial di Aruba a tene un demostracion dilanti warda di Polis na Playa. Esaki ta relaciona cu e situacion reinante caminda SPA no por acepta cu un Hulandes di Europa ta bin Aruba y bin implementa su conocimiento cu no ta cuadra at all pa cu e temporada di carnaval. Alarma di Polis tabata zona constantemente dilanti warda di Polis demostrando asina nan mal contento. Lesa pagina 2 pa un relato completo.

**TALK OF THE
TOWN Y SURFSIDE
BEACH CLUB
A WORDE BENDI**

Trabaonan pa termina e prome fase ta tuma lugar

PA MEDIO DI MEI SANTANA NOBO NA SABANA BASORA LO KEDA CLA

AGENTENAN POLICIAL DEN ACCION DILANTI WARDA DI POLIS NA PLAYA

ORANJESTAD(AAN) -- Manera DIARIO a bin ta señalando, e situacion na Cuerpo Policial den e dianan aki ta hopi tenso. Ayera esaki a culmina den un accion dilanti warda di Polis.

Un cantidad grandi e agentenan policial a presenta dilanti warda di Polis caminda nan a demostra nan malcontento. DIARIO tabata presenta na warda di Polis na Playa y por a constata cu en berdad e agentenan policial tabata masha mal contento pa cu e situacion reinante.

DIARIO a hiba combersacion cu miembronan di e directiva di Sindicato di Polis Aruba, SPA, kendenan a expresa cu nan ta bay sigui tene mas accion pasobra nan mester haya razon den e asunto aki.

Presidente di e sindicato, Chido Maduro a indica cu carnaval ta un celebracion di pueblo y Polis kier duna pueblo e garantia cu e por celebra un carnaval cu proteccion di Polis y alavez proteccion pa e mesun agentenan policial.

E presidente di SPA a splica cu pa años Polis ta hibando un sistema y awor ta bin un Macamba for Europa y kier bin cambia e situacion.

Vice presidente di SPA, Thijssen a señala cu e Hulandes no conoce nos cultura, nan no sa con nos Arubiano ta celebra carnaval den grandi. E Hulandes no tin experiencia. E mester pasa un año den esaki anto despues lo por delibera kico ta carnaval na Aruba.

SPA a señala cu e Hulandes aki ta cabez duro, e ta pretende cu nunca nos Arubiano no a traha profesional y cu e ta bay siña e Arubianonan con pa traha profesional.

Expresionnan cu por a



scucha ta entre otro cu Ras- nan salario, ta pueblo ta
mijn no tin weso di lomba; paga befasting pa Polis
Macamba no ta paga Polis duna nan seguridad; Ras-

mijn ta baila segun e Macambanan toca.

Varios biaha SPA a sinta na mesa cu alto mando pa muestra nan cu como agentenan policial experiencia, con tin cu traha na cierto eventonan di carnaval y cuanto hende tin mester.

A worde bisa cu no ta trata aki asunto di overtime. Ta trata seguridad di comunidad y seguridad di e propio agente policial.

Apesar cu a muestra con mester atende e asunto di carnaval, e Hulandes no kier tende nada y ta para ariba cu mester bay poco poco cu placa di comunidad. SPA ta considera cu loke e Hulandes ta haciendo ta lifea recta contra e tarea specifico di Polis. Door di reduci e cantidad di Polis na even-

tonan carnavalesco, no por mantene orden publico.

SPA ta mira cu lo bay tin problema den carnaval si no caminda e sistema cu e Hulandes a implementa.

Tambe e sindicato a expresa cu pueblo mester tin comprension pa Polis ya cu e lucha cu e agentenan policial ta hibando ta pa garantiza seguridad di e pueblo durante carnaval.

Algun agente policial a expresa cu dia comisario Rasmijn a worde nomber, e miembronan di SPA a sostene. Awor ta resulta cu envez e defende su trahadornan Arubiano, el a bay completamente na banda di e Hulandesnan.

Di awor en adelante comisario por bien lubida ariba sosten di su trahadornan esta Cuerpo Policial.

